



BRynon Moravorum regulus extitit, qui trans Danubiū in Aquilonari ripa habitabat. Erant urbes eius Nitrauia, Vratislauia & Brynna, quę ab eo dicta fuit. Hic amore uerę religionis motus, ad Ludouicū Germanię regē cum filio suo Hertzilone peruenit, atque ab eo petijt sacro fonte Baptismatis abluī. Itaque Ludouicus eum benignē accepit, atque in uera doctrina institui curauit. postea uerò eum Traismę (qui uicus est Austrię Episcopi Salisburgensis) sacro fonte abluit, & in templo S. Martini Christianum fecit, Anno 835. Inde cum eo fœdera iunxit, & Rhatabodo uiro fortissimo, quem Orientalis limitis præfectum instituerat, se-

riò commendauit. ut nimirum eum contra Barbaros & Christianorum hostes tueretur. Atque hoc modo Brynonis opera uera religio ad Morauos perlatata est. Verum postea cum bellum exortum esset, atque Brynon fortiter in acie pugnaret, à Ratislao Venedorum duce occisus fuit. Auent. libro 4. Annal. Boiorum,